

ხელშეკრულება №30
სახელმწიფო შესყიდვის შესახებ

ქ. ზუგდიდი.

22 მარტი. 2013 წ.

ერთის მხრივ, აბაშის, ზუგდიდის, სენაკის, მარტვილის, მესტიის, წალენჯიხის, ჩხოროწყის, ხობის მუნიციპალიტეტებსა და თვითმმართველ ქალაქ ფოთში სახელმწიფო რწმუნებულის – გუბერნატორის ადმინისტრაცია, (შემდგომში – შემსყიდველი), წარმოდგენილი რწმუნებულის პირველი მოადგილის მ.შ. დავით კუხალეიშვილის სახით და მეორეს მხრივ, ინდ. მეწარმე „ირაკლი კაკულია“ (შემდგომში – მომწოდებელი), წარმოდგენილი ნდობით აღჭურვილი პირის ვლადიმერ კვარაცხელიას სახით, ვხელმძღვანელობთ რა „სახელმწიფო შესყიდვების შესახებ“ საქართველოს კანონის მე-3 მუხლი I პუნქტის ს¹ ქვეპუნქტით, ვდებთ წინამდებარე ხელშეკრულებას შემდეგზე:

1. ხელშეკრულების ობიექტი

- 1.1. ხელშეკრულების საგანია ანტენების მონტაჟი (CPV კოდი – 32532000).
- 1.2. მიმწოდებელი უზრუნველყოფს შემსყიდველის ადმინისტრაციულ შენობაში 2 (ორი) ერთეული სატელიტური ანტენის დამონტაჟებას, Star Track SR 580 რეცივერების საშუალებით სიგნალის განაწილებას 4 (ოთხი) ტელევიზორზე.

2. ღირებულება

ხელშეკრულების ჯამური ღირებულებაა 560.00 (ხუთასსამოცი) ლარი, ყველა თანმდევი ხარჯის (მათ შორის ტრანსპორტირების, დამონტაჟებისთვის საჭირო მასალების და საქართველოს კანონმდებლობით გათვალისწინებული გადასახადების) ჩათვლით.

3. შესყიდვის ობიექტის ხარისხი

მომწოდებელი იძლევა გარანტიას, რომ მოწოდებული საქონელი იქნება ხარისხიანი და მონტაჟი შესრულდება ინსტრუქციის სრული დაცვით.

4. შესყიდვის ობიექტის მიწოდების პირობები და ვადები

- 4.1. მომწოდებელი ხელშეკრულებით გათვალისწინებულ საქონელს და მომსახურებას მიაწვდის შემსყიდველს მის იურიდიულ მისამართზე (ზუგდიდი, ზ. გამსახურდიას გამზ. №45), არაუგვიანეს 2013 წლის 30 მარტისა.
- 4.2. საქონლის მიწოდების პარალელურად მიმწოდებელი უზრუნველყოფს ანგარიშ-ფაქტურის ან/და ზედნადების ან კანონმდებლობით გათვალისწინებული სხვა თანხები დოკუმენტის გამოწერას არსებული წესის შესაბამისად.

5. შესყიდვის ობიექტის მიღება-ჩაბარების წესი

- 5.1. საქონელი ითვლება ჩაბარებულად მხარეების მიერ შესაბამისი მიღება-ჩაბარების აქტის გაფორმების შემდეგ.
- 5.2. უხარისხო საქონლის მიწოდების ან არასათანადო მონტაჟის შემთხვევაში შემსყიდველს უფლება აქვს არ ჩაიბაროს იგი და მოითხოვოს ახლით შეცვლა ან ხელახალი მონტაჟი.

6. ანგარიშსწორების პირობები

- 6.1. მიმწოდებლის მიერ მოწოდებული საქონლისა და მომსახურების ღირებულების ანაზღაურება მოხდება უნაღდო ანგარიშსწორებით, ლარებში.
- 6.2. შემსყიდველი იღებს ვალდებულებას აუნაზღაუროს მომწოდებელს ხელშეკრულებით გათვალისწინებული თანხა მიღება-ჩაბარების აქტის გაფორმების შემდეგ, არაუგვიანეს 10 საბანკო დღის ვადაში.
- 6.3. ანაზღაურების ადგილია ქ. ზუგდიდი.

7. მხარეთა უფლება-მოვალეობანი

- 7.1. შემსყიდველს უფლება აქვს:
 - შეამოწმოს მოწოდებული საქონლისა და მომსახურების შესაბამისობა ხელშეკრულებით გათვალისწინებულ პირობებთან;
 - განახორციელოს კონტროლი და ზედამხედველობა მომწოდებლის მიერ ხელშეკრულების პირობების დაცვაზე.
- 7.2. შემსყიდველი ვალდებულია:



- უზრუნველყოს მიმწოდებლის სპეციალისტების დაშვება ადმინისტრაციულ შენობაში მოწყობილობის მონტაჟისთვის და შეუქმნას მუშაობის პირობები;

- მოახდინოს ანგარიშსწორება მომწოდებელთან ხელშეკრულებით გათვალისწინებული პირობების შესაბამისად;

7.3 მომწოდებელს უფლება აქვს:

- მოსთხოვოს შემსყიდველს მიწოდებული საქონლისა და მომსახურების ღირებულების ანაზღაურება ხელშეკრულებით გათვალისწინებული პირობებით;

7.4. მომწოდებელი ვალდებულია:

- დაიცვას ხელშეკრულებით გათვალისწინებული ყველა პირობა.

8. მხარეთა პასუხისმგებლობა ხელშეკრულების პირობების დარღვევისას

8.1. მხარეების მიერ ხელშეკრულებით ნაკისრი ვალდებულების შეუსრულებლობა გამოიწვევს პასუხისმგებლობას მოქმედი კანონმდებლობის შესაბამისად.

8.2. თუ ხელშეკრულების მონაწილე რომელიმე მხარე დაარღვევს ხელშეკრულების პირობებს, იგი ვალდებულია აუნაზღაუროს მეორე მხარეს ზარალი, რომელიც მას მიადგა ამ ქმედების შედეგად, გარდა იმ შემთხვევებისა, თუ ხელშეკრულების პირობების დარღვევა გამოწვეულია ფორსმაჟორული გარემოებებით.

9. ხელშეკრულების მოქმედების ვადა

9.1. ხელშეკრულების მოქმედების ვადა განისაზღვრება ხელშეკრულების ხელის მოწერის დღიდან 2013 წლის 30 აპრილამდე.

10. ხელშეკრულების პირობების გადასინჯვის შესაძლებლობა

10.1. ხელშეკრულების დამდებ არცერთ მხარეს არა აქვს ხელშეკრულების პირობების ცალმხრივად შეცვლის უფლება.

10.2. დაუშვებელია ხელშეკრულების ფასის შეცვლა ან სხვა ისეთი ცვლილებების შეტანა, რაც გააუარესებს პირობებს შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. ხელშეკრულების პირობების შეცვლა დასაშვებია მხარეთა ურთიერთშეთანხმებით, კანონმდებლობით დადგენილი წესით.

10.4. თუ რაიმე წინასწარგაუთვალისწინებელი მიზეზების გამო წარმოიშობა ხელშეკრულებაში ცვლილების შეტანის აუცილებლობა, ცვლილებების შეტანის ინიციატორი ვალდებულია მეორე მხარეს წერილობით აცნობოს ამის შესახებ.

10.5. ხელშეკრულებაში ნებისმიერი ცვლილება ძალაში შედის წერილობით გაფორმებისა და მხარეთა მიერ ხელმოწერის შემდეგ.

11. ფორს-მაჟორი

11.1. მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია საყოველთაოდ აღიარებული ფორსმაჟორული გარემოებებით (სტიქიური უბედურებები, საომარი მოქმედებები, ეპიდემია, კარანტინი, ემბარგო, საბიუჯეტო ასიგნების მკვეთრი შემცირება და სხვა). ასეთ შემთხვევაში შესრულების ვადა გადაიწვევს შესაბამისი დროით, გარემოებათა დასრულების შემდეგ.

11.2. მხარე, რომელსაც შეექმნა ფორს-მაჟორული გარემოება, დაუყოვნებლივ აცნობებს მეორე მხარეს ამის შესახებ.

12. დავები და მათი გადაწყვეტის წესი

ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე. ამ გზით შეთანხმების მიუღწევლობის შემთხვევაში მხარეებს უფლება აქვთ მიმართონ სამართალდამცავ ორგანოებს საქართველოს კანონმდებლობით დადგენილი წესის შესაბამისად.

13. ხელშეკრულების ინსპექტირების პირობები

13.1. შემსყიდველი უფლებამოსილია მოახდინოს მოწოდებული საქონლისა და მომსახურების ხარისხის შემოწმება, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან.

13.2. შემოწმების შედეგად გამოვლენილი ნებისმიერი ხარვეზის შესახებ იგი დაუყოვნებლივ წერილობით აცნობებს მომწოდებელს წუნდების მიზეზის მითითებით.

13.3. გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მომწოდებელს.



14. ხელშეკრულების შეწყვეტა

14.1. თუ ხელშეკრულების მონაწილე ერთ-ერთი მხარე არ ასრულებს ხელშეკრულების პირობებს, მეორე მხარე უფლებამოსილია მიიღოს გადაწყვეტილება ხელშეკრულების მთლიანად ან მისი ცალკეული დებულებების გაუქმების თაობაზე.

14.2. მხარე, რომელიც მიიღებს ზემოაღნიშნულ გადაწყვეტილებას, ვალდებულია ამის შესახებ შეატყობინოს მეორე მხარეს, გადაწყვეტილების გამომწვევი მიზეზებისა და აღსრულების თარიღის მითითებით. აღნიშნული შეტყობინება უნდა მიეწოდოს მეორე მხარეს გადაწყვეტილების ძალაში შესვლამდე მინიმუმ ხუთი სამუშაო დღით ადრე.

14.3. პირობების დარღვევის გამო ხელშეკრულების შეწყვეტა არ ათავისუფლებს მიმწოდებელს ხელშეკრულების შეუსრულებლობისათვის გათვალისწინებული პასუხისმგებლობისაგან.

15. სხვა პირობები

15.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები მეორე მხარის წერილობითი თანხმობის გარეშე.

15.2. მესამე პირებთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.3. ხელშეკრულება შედგენილია ქართულ ენაზე ორ ეგზემპლარად, თითოეულს აქვს თანაბარი იურიდიული ძალა და თიტო ეგზემპლარი ინახება ხელმომწერ მხარეებთან.

16. მხარეთა რეკვიზიტები

შემსყიდველი:

სახელმწიფო რწმუნებულის – გუბერნატორის
ადმინისტრაცია აბაშის, ზუგდიდის, სენაკის,
მარტვილის, მესტიის, წალენჯიხის, ჩხოროწყუს,
ხობის მუნიციპალიტეტებსა და თვითმმართველ
ქალაქ ფოთში

მის: ქ. ზუგდიდი, ზ. გამსახურდიას 45.

საიდენტ. კოდი – 220015141

სახელმწიფო ხაზინა

ანგარიში № 200122900

მომწოდებელი:

ინდ. ეწარმე „ირაკლი კაკულია“
მის: ქ. ზუგდიდი, ოდიშის ქ. №40.

საიდენტ. კოდი – 19001092886,

„საქართველოს ბანკის“ ცენტრ. ფილ.

ანგარიში №GE35BG0000000881299500

ბანკის კოდი: BAGAGE22



/დ. კუხალეიშვილი/

ვ. კვარაცხელია /ვ. კვარაცხელია/